

(X 2010 M)
Eine Hochzeit Pre-
digt / Bethan auff Königsfeld / auff
der Wirtschafft des Edlen vnd Ehreuhhesten/
Gasparis von Taubenheim / auff Neuwtau-
benheim. Vnd der Edlen vnd Ehren-
tugenthafften Jungfraw Katha-
rinen vom Ende.



Durch Magistrum Jacobum
Löblich / von Kochlitz / daselbst
Pfarherrn.



Vber den Spruch S. Pauli zu den
Ebreern am 13. Capitel.

Die Ehe sol rein gehalten werden / bey alle-
len / vnd das Ehebett vnbesleckt. Die Hurer
aber / vnd Ehebrecher wird Gott richten.

Anno M. D. LXV.

78 L 1266 (24)

Ungültig
№ 15045 *

UNIVERSITÄTS- LANDESBIBLIOTHEK
HALLE
(SAALE)

Kapsel 78

Handwritten text in Gothic script, likely bleed-through from the reverse side of the page.

Handwritten text in Gothic script, likely bleed-through from the reverse side of the page.

AK

Handwritten text in Gothic script, likely bleed-through from the reverse side of the page.

Handwritten text in Gothic script, likely bleed-through from the reverse side of the page.

Handwritten signature or initials in Gothic script.



Der Edlen / vnd viel-
tugentsamen Jungfrawen / Ka-
tharinen vom Ende / Meiner
freundlichen lieben
Gesattern.

GOTTES Gnade vnd
Barmhertzigkeit allezeit zuvor.
Edle / vnd Ehrentugenthaffe
freundliche liebe Jungfraw Ka-
tharina / Ich habe eine kurze /
vnd geringe Predigt aus Gottes Wort / vnd
mancherley Historien zusammen gebracht / mei-
ne willige dienste / vnd geneigten willen gegen
euch zuerzeigen. Denn die weil ich euch nichts
kan auff die Hochzeit schencken / das ewrem stan-
de / vnd ehren gemes wehre / Hab ich mich genk-
lich versehen / ihr werdet ewrer angeborenen
freundlichkeit nach / dis gering Geschencklein /
Nemlich / diese Predigt / von mir zu freundlich-
em wolgefallen annemen / mit demütiger bitte /
ihr wollet sie fleissig lesen / sampt ewrem lieben
Juncfern / vnd denen dingen / so ich blos ange-
zeiget / weiter vnd gründlicher nachdenken.

A ij

Vnd

Vnd wil hiemit euch Gottes Gnade / vnd
Barmhertzigkeit / zu ewem angefangenem
stand / des gleichen fried / vñ Christliche einigkeit
von herten gewünscht haben. Unser lieber vnd
getrewer Gott verleihe euch langes leben / vnd
helffe gnediglich / das es euch hie / vnd dort im
ewigen leben wolgehe / Amen. Geben zu Kö-
nigsfelt / Anno 1565. den achten Septembris /
an welchem tage / die heilige / reine vnd keusche
Jungfraw Maria / die Mutter / onfers HErr-
ren Ihesu Christi geboren ist / vñ nach 15. Jahren
den Heylandt Ihesum Christum durch Gots
tes schickung / zur welt bracht / wie Nicephorus
schreibet / Welche hernach nach verlauffung
44. Jahren / im HErrn entschlaffen / vnd
gestorben / von welcher Tode schreibet auch
Dionysius Areopagites / im dritten Capitel /
de diuinis nominibus, vnd sagt das S. Jacob
der kleine / vnd S. Petrus bey ihrer Leiche / vnd
er auch selbst gewesen sey. Hieronymus in sermo-
ne, de assumptione, beatæ virginis ad Paulam, &
Eustochium. ~~Der heilige Hieronymus~~ zeigt
an / er habe ihr Grab gesehen / mitten im Thal
Josaphat / der da leit zwischen dem Olberge /
vnd dem Berge Sion.

Ewer dienswilliger Gefatter

Jacob Löblich / Magister
vnd Pfarherr daselbst.

Die Ehe sol rein gehalten wer-
den/bey allen/vnd das Ehebetz-
te vnbesfleckt. Die Hurer aber
vnd Ehebrecher wird **GOTT**
richten.

Dem Allmechtigen vñ großgütigen Gott
zu ehren / vñnd meinem Erlöser Ihesu
Christo / sampt dem heiligen Geiste / der
ein Stifter des heiligen Ehestandes ist / Habe
ich diese Predigt aus freundlichem begeren
günstiger H^{er}ren / vnd Freunde / in druck ver-
fertigen wollen / damit man die hohen vnd tew-
ren gaben / dieses Heiligen standes vernemen
möge. Vnd wil in kurz darinne handeln (mit
verleihung Göttlicher hülffe) vier stücke/welche
ich nicht nach würdigkeit der sachen zu handeln/
mich vnterfange / Dann ich mich dazu viel zu
wenig / vnd gering verstendig achte / Sondern
so viel der trostreiche Gott durch seinen heiligen
vñnd hochuerstendigen Geist / mir gnade dazu
gnediglich verleihen vnd mitteilen wird.

Zum ersten/wer der Stifter dieses standes/
wo/vnd warumb solcher stand verordnet sey.

Zum andern / wie viel Personen grosser
weisheit / vñ heiligkeit in diesem stande gelebet/

Das Ehebet vnbesleckt gehalten / desgleichen
etliche Christliche Matronen / Auch Heydnische
Weiber diesen standt rewer vnnd wert gehalten
haben.

Zum dritten / wie der ewige Gott / der ein
Feindt ist aller vnreinigkeit / vnd des ehfloren
lebens / allezeit die verchter dieses standes / vnd
der reinigkeit grewlich gestrafft. Solches sol
durch Exempel der heiligen Schrift / auch an
derer warhafftigen Historien beweist / vnd dar
gethan werden.

Zum vierden / wie sich Eheleute in diesem
heiligen stande fein freundlich / vnnd geberdig
stellen sollen / vnd eins dem andern seine gebrech
en zu gut halten.

Vom ersten Stücke.

Es ist die ganze heilige / vnd vnzerrenliche
Dreyfaltigkeit / Gott Vater / Sohn / vnd heiliger
Geist / Stifter / vnd verordener dieses heiligen
standes / welchs zum eingang zum höchsten
sol betrachtet werden. Dan so sich einer in einen
stand begeben wil / sol er vor allen dingen wol
bedencken / ob Gott solchen stand hab eingesetz /
vnd verordnet / dann keiner Gott in einigem
stande dienen kan / den er erkent / das er von
Gott nicht herkomme / kan auch Gott sein leben
vnd wandel darinnen nicht gefallen / Das aber
die allerheiligste Dreyfaltigkeit Stifter dieses
standes sey / bezeugt der trewe Diener / Prophet
vnd Man Gottes Mose in dem ersten Buch von
erschaffung der Welt / do er anzeigt / wie Gott /
sein

sein Wort / das ist / sein geliebter Son / vnd heil
lige Geist / welcher auff den wassern geschwebet /
(welchs nicht kan vom Winde verstanden wer
den / denn der dazumal noch nicht beschaffen)
haben Himmel vnd Erden / vnnnd alles anders
geschaffen / seind sie in ihrem heimlichen / vnd vn
ermeslichem Rathe eintrechtig vereiniget / eine
Bildnis / ihrem Göttlichen Ebenbilde gleich
förmig zumachen / Gene. am 1. vnd 2. Capitel.
Haben also vnsern ersten Vatern / vnd Eltresten
Vranherrn Adam / aus Damascenischer (wie
man dafür helt) Erden geschaffen / vnd tüch
tiglich zubereitet / vnd ihrem Göttlichen Eben
bilde abgeformet vnd abconterfehet / Darnach
sie ersehen / durch ihre Göttliche allmechtigkeit /
das es nicht gut sey / das der Mensch (welches in
gemein von allen geredt ist) alleine sey / sondern
eines getrewen mitgehülffen / vnnnd beystandes
benötiget / haben sie ein Weibes bilde / aus
Adams Liebe / welcher tieff eingeschlaffen / ge
macht / vnd dem erwachten Adam / als Braut
fürer vnnnd Paranymphe zugefüret / sie copulirt
vnd zusammen gegeben. Weil denn nu die heil
lige Dreyfaltigkeit / solches standes verordener
selber ist / kan leichtlich ermessen werden / wie
wert vnd tewer solcher standt von allen Men
schen sol gehalten werden / vñ wie die zuhalten /
so solchen standt lestern / vnd schmehen / als ein
Weltlichen standt / Der nicht vberlein komme /
mit warer Religion / vnd Gottes furcht.

*Christ Day
Jesay!*

Wo ist der Ehestandt eingesetzt?

In

In dem heiligen Paradeis / das noch mit
Keiner Sünden befleckt war / vber das / inn der
vnschult / ehe denn Heua vnd Adam gefallen /
vnd Gottes Gebot vbertretten hatten. Vnd
noch vber dis alles / da vnser einiger / getreuer
Mittler vnd Heylandt Ihesus Christus / das
gröste Werck auff Erden hat wollen ausrich-
ten / Nemlich die Erlösung des ganzen Men-
schlichen Geschlechts / hat er im Ehestande wol-
len (doch von einer keuschen Jungfrauen / die
ihren Man nie erkant / vnd ihm doch vermeh-
let) geboren werden. Zu dem so hat er hernach
nach ein vnd Dreissig Jaren / die Hochzeit zu
Cana in Gallilea / nicht allein mit seiner Gött-
lichen gegenwertigkeit / seiner lieben Mutter /
vnd Jünger gezieret / vnd gepreiset / Sondern
Braut vñ Brutigam ein ganz herrlich ^{μνητείου}
oder Hochzeit geschencke / Nemlich in die sieben
oder acht ohngefahr Eimer Weins (ein Mes-
sreta hat fast dreissig Kannen / vnd machen
zwo Messreten ein Eimer Weins) offerirt / vnd
gegeben / damit anzuzeigen / das er ein sonder-
lich wolgefallen an solchem stande trüge / vnd
hette. Darumb auch der gute fromme Beda
aus Engellandt / der von wegen seiner züchtig-
keit / vnd eingezogenen lebens / Venerabilis, das
ist / der Ehrwürdige ist genant worden / wie
Raphael Volaterranus anzeiget in Anthropol-
gia, recht sagt / Dominus interesse voluit nuptijs,
vt statum matrimoniale sua praesentia comproba-
ret. das ist / Der H^{er} hat wollen sein auff der
Hochzeit zu Cana / damit er anzeige / durch sein
gegen

gegenwertigkeit / das er am heiligen Ehestande
de mercklichen gefallen trüge. Also hastu in
Kurtz etliche wichtige vrsachen / die den heiligen
Ehestandt zum höchsten Celebriren / vnnnd er-
heben.

Was seind die vrsachen/darumb der Ehestandt
von Gott ist eingesetzt worden?

Es können viel wichtiger / vnnnd herrlicher
vrsachen des eingesetzten Ehestandes / erzelt
werden. Aber vmb Kurtz willen/wil ich der nur
etliche warhafftige anzeigen / aus welchen wir
abermal ersehen werden / wie dieser stand tewer
vnd wert von jedermenniglichen billich sol ges
halten werden.

Die Erste.

Auff das Gott dem Allmechtigen / hie inn
diesem leben (Denn inn jenem leben wird man
nicht freyen / vnd sich freyen lassen) eine Kir-
che gesamlet werde / durch welche er nicht hie als
leine / sondern im ewigen leben / dazu der Men-
sche anfenglich erschaffen / vnnnd nu folgendes
durch Ihesum Christum so tewer erarnet / vnnnd
erkaufft ist / ewiglich gelobet / vnnnd gepreiset
werde.

Die Ander.

Auff das Hurerey / Vnzucht / vnd allerley
vnrreinigkeit möchten verhütet werden / Des-
gleichen auch die straffen / so gemeinlich solchen
besleckungen pflegen nach zu folgen / wie im
dritten stück weitleufftiger meldung dauon ges
schehen

B

schehen

*Ammon 25 vnd
für den 1. vnd 2.
Lust am gowden*

sehen sol. Im Marco Museo list man also/
Er war des tages eine Jungfraw / Aber des
nachts ein Weib / oder wie seine Wort lauten:
(μυσταὶς τὰ κατ' ἡρώ, καὶ λεανδ' ἑορ) παρθένοσ ηματίν, νυχτίν γύνη.
Das man nu solche Sünden verhüte / hat Gott
den Ehestandt verordnet. S. Paulus saget
auch in der ersten zu den Corinthern im 7. Cap.
Zu vermeiden Hurerey / hab ein jeglicher sein ei-
gen Weib / vnd ein jegliche jren eigenen Man.

Die Dritte

Das der dürfftige Man hette ein getrewen
vnd sters beywonenden mitgehülffen / dazu er
sich aller trewe / vnd gutes versehen möge / Der
ihm auch (nu nach dem fall) inn Kranckheit/
Creutz / Wiederwertigkeit / vnd allen andern
Menschlichen zufellen eine beständige trewe lei-
sten sol / das er denn auch thun sol / vnd eins dem
andern / die handt reichen / in allerley fürfallen
der noth / allerley guts zu erzeugen. Den so eines
alleine die last tragen solte / würde es im vber al-
le masse sawer werden. Darumb denn die Sie-
benzig Interpretes recht inn Griechische sprache
verdolmetscht haben den locum Moysis: Dar-
umb wird ein Man Vater vnd Mutter verlass-
sen / vnd an seinem Weibe hangen / vnd werden
sein zwey ein Fleisch / Gene. 2. Das lautet aber
also / προσκολληθήσεται τῇ γυναικὶ αὐτοῦ, καὶ ἕσονται ὀστέον ἓν
σὰρκα μίαν. Das heist / Es sol der Man gleich als
an sein Weib gebunden / oder gelemet sein / vnd
sollen zwey ein Fleisch sein.

Die

Eccl. 4

2 κολληθήσεται
καὶ ἕσονται ὀστέον ἓν
σὰρκα μίαν

Die Vierdt.

Der Heilige Apostel Paulus zeigt an im
fünfften Capittel / an die Epheser / das durch
den heiligen Ehestandt angezeiget werde / die
inbrünstige liebe vnd trewe / vnser lieben H^{er}
ren Christi / gegen seiner Braut der allgemeinen
Christlichen Kirchen. Denn gleich wie Chris-
tus die Christliche Kirche geliebet / das er sein
leben für sie gegeben. Also sollen wir auch vnser
Weiber / wie vnser eigen Leib vnd Leben lie-
ben / vnd alles (was nicht wider den willen Gots
tes ist) bey ihnen zu setzen / denn wer sein Weib
liebet / der liebet sich / wie die heilige Göttliche
Schrift sagt / selber. Ephes. 5. Das sind nu-
fast die erheblichsten vrsachen / darnumb der gü-
tige Gott / diesen standt verordnet / vnd einge-
setzt hat. Vnd so viel vom ersten stück.

Das ander Stücke.

In diesem andern stück wil ich etliche hohe
Personen / Weltlich vñ Geistlich erzelen / so lang
zeit in solchem stande gelebt / vnd den hoch gehal-
ten. Vnd zum ersten / so haben im heiligen Ehe-
stande gelebet fast alle Heilige Alrueter vnd
Patriarchen / des heiligen Alten Testaments /
Als Adam / Noe / Abraham / Loth / Isaac / Ja-
cob / Joseph / Aaron / Mose / David et. Habē auch
zum teil mehr denn ein Weib (welches inen doch
durch ein besonder Dispensation Gottes ist zuge-
lassen worden) gehabt / haben auch Kinder in
der heiligen Ehe gezeuget.

B ij

Der



Der heilige Apostel Petrus hat auch ein
Weib gehabt/welche er herzlich getröstet/da sie
zu ihrer Marter ist aus geführt worden/wie Euse-
sebius im dritten Buch seiner Kirché Historien
im dreissigsten Capitel / ex septimo Stromatum
Clementis anzeiget. Paulus grüßet sein Weib
in einer Epistel. Philippus der heilige Apostel
der zu Hierapoli gestorben/ hat auch ein Weib/
vnd vier Töchter gelassen/auch seine Töchter in
den heiligen Ehestandt gegeben/wie Eusebius
anzeigt aus Polycrate Bischoff zu Epheso / in
einer Schrift / so er an Victorem Römischen
Bapst geschrieben. Nicolaus einer aus den sie-
ben Diaconis hat auch Weib vnd Kind ge-
habt / dauon besche Clementem Alexandrinum,
lib. 3. $\sigma\sigma\mu\alpha\tau\omega\upsilon$. Der heilige Man Gottes Spirio-
dion/ ein Bischoff Thrimuntis inn Lypem/
der da hat gelebt/ da man hat geschrieben/nach
der Menschwerdung Christi/ 350. Welcher et-
ner ist aus der zal der Propheten / hat auch ein
Ehegemahl gehabt/ vnd eine Tochter mit Na-
men Irenem/dauon in iren Kirchen Historien
schreiben / Ruffinus lib. 1. Cap. 5. Socrates lib. 1.
Cap. 12. Hermus Solomenus Salaminus lib. 1.
Cap. 11. Es haben auch alle Priester des ganzen
Griechenlandes Eheweiber gehabt. Es haben
auch etliche Römische Bepste Eheweiber ge-
habt. Sergius hat ein Son gehabt/der hernach
auch ist Bapst worden / vnd Johannes der zes-
hende genant. Siluerius Bapst ist Siluerij
Römischen Bapsts Son gewesen. Bapst Theo-
dorus ist ein Son gewesen Theodori Bischoffs
zu Jer

*Die heilige
Stoffe
Chiam
Name & 91
Jahr
Ambrosius in
C. II Epistola
Corinth. 2*



zu Jerusa. Die wil ich auch anzeigen die meinung
Bapsts Innocentij/ qui sedit circa Annum Do
mini 413. Welche stehet inn einer Epistel an die
Bischoffe des Mochedonier landes / vund wird
auch citirt, Distinctione 26. Vund lauter also:
Dicite mihi (cum pace vestra loquar) crimina tan
tum dimittuntur in Baptismo, an & illa quæ se
cundum Domini præcepta, ac Dei instituta com
plentur? Vxorē ducere crimen est, an non est
crimen? Si crimen est, ergo (præfata venia dixe
rim) erit autor in culpa, vt crimina committerentur
in Paradiso, cum ipse eos iungeret, benedixit. Si
vero non est crimen, quia quod Deus iunxit, nefas
sit crimen appellari: Et Salomon addidit: Etenim
à Deo præparatur viro vxor: quomodo creditur
inter crimina esse dimissum, quod **A V T O R E**
D E O legitur consummatum? Man hat einschö
ne Epistel des Heiligen S. Ulrichs / Bischoffs
zu Augspurg / welcher gelebet hat / Anno 700.
Die er zu Nicolao dem ersten dieses Namens /
Römischen Bapste geschickt / inn welcher er ders
Ehestand mit worten vnd Exempeln mechtig
vertritt vnd verteidiget. Diese Epistel wird ges
funden in septimo lib. Regesti Gregorij, Cap. 63.
Das Concilium / dz gehalten ist zu Gangra / vor
dem Nicoenischen / Anno 300. wieder die Eus
stachianer / die da verworffen / vnd vernichteten
die beweybten Priester / sagt Klerlich in der 28.
Distinction, Also / Si quis discernit presbyterum
coinugatum, tanquam occasione nuptiarum, quod
offerre non debeat, & ab eius oblatione si deo ab
stinet, Anathema sit, Das ist so viel gesage /
B iij So

Imme.
Sept. Vig

So' jemand vnterscheit macht zwischen dem opf
fer eines beweibten oder vnbeuiebtē Priesters/
mit verwendung der Hochzeit / oder Ehelichen
lebens / der sey verflucht. Es erzelt auch offtege/
dachter Eusebius ein schöne Epist: lib 4. Cap.
23. des heiligen Dionysij Bischoffs zu Corin: an
Pinitum Gnosiorum Epil: darinnen der Ehestand
sehr gelobet wird. Menander der Heyde schrei/
bet recht / da er sagt / γύνη δικαία το βίβω τήρια, das
ist / Ein frommes Weib ist ein heil des lebens / vñ
anders wo / ἄριστή δ' ἐ γύνη, πηδ' ἄλιον ἐς' δικίας, das ist /
Eine fromme Hausmutter ist sonörig im Hau/
se / als die Deichsel im Wagen / Es hat der aller
weisest des ganzen Griechenlandes (nach besa/
ge des Delphisi Oraculi) Der Socrates in solchē
stande züchtiglich gelebt / wie Aelianus schreibt /
Hat auch seinem storrigen Weibe Kantippen
viel zu gut gehalten / dann dieselbige auff ein
zeit / da er heim kam / in von oben hernieder mit
wasser wol begossen / hat er scherzlich gesagt:
Sciebam meam Kantippen diu tonitruantem, ali/
quando pluituram, das ist / Ich habe wol gewusst /
das meine Kantippe / die lange zeit gedonnert /
ein mal regnen würde. Es schreibt Plutarch /
us im leben Scipionis / das sich Scipio als ein
recht Keuschtr Man von der schönen Spartana
hab enthalten / wie solchs auch Liuius anzeigt /
Decade tertia, lib. 6. Pindarus in Oda quinta Næ/
meorum, schreibt das sich Peleus hab enthalten
von der Chreteide / des Königs Atasti Gemahl.
Homerus vñ Baccarius sagen / das sich gleich/
es fals Bellerophontes enthalten hab von der
Antea

Antea/oder Sthenobæa / Proeti der Arginer
Königs gemahl/von welcher er (wie auch Peleus
us von Chreide) wie Joseph von des Hoffmei-
sters Potipharis in Egypten weibe zum Ehe-
bruch gereizt/gelockt ist worden. Er hat aber
hernach/das er im nicht her treumen lassen/ der
Sthenobæa Schwester von wegē seiner redlich-
en thaten/die Achimenen bekommen/Auch des
Königs Ariobati Tochter. Darumb sich den die
Sthenobæa hat erstochen. Cyrus der berufene
König der Meder/vnd Perser/ hat sich enthal-
ten von der schönen vnd holtreichen Panchæa/
die sich hernach vmbrecht hat von wegen des To-
des Abrabate/ires Mannes/wie Xenophon an-
zeigt in Pædia. lib. 5. τῆς παυδ'είας κύβη. Plutarchus
us sagt/ das sich der grosse Alexander habe ent-
halten/des schönsten gemahls/vnd aller schön-
sten Töchtern vnd Schwestern des Königs Da-
rii. Pausanias Herzog der Lacedomontier hat
sich auch enthalten von der gefangenen Coa/die
ihm zu fus siel/vnd ein Tochter ist gewesen/ Ha-
gatoridæ Antagoræ, wie Herodotus anzeigt in
Calliope. Es ist vns auch ein mercklich Bild der
Keuscheit vorgehalten/in dem jungē Knaben De-
mocle der hat lieber wollen in siedem heis wasser
springen vnd vmbkommen / denn etwas wider
sucht an im besehen lassen. Plut: in Demetrio. Va-
lerius lib. 4. Capit. 5. beschreibet gleicher ge-
stalt einen Jüngling aus Hetrurien/ mit Na-
men Spurinnam/ Welcher so schön vnd seuber-
lich gewesen / das ihn viel Menschen vnor-
dentlicher Weise geliebet haben / Hat ihm
der

berhalten sein angesicht verwundet / vnd vnter
stalt gemacht / damit er nicht so geliebet würde.
Raphael Volaterranus schreibet aus Pollione /
das die Königin Cenobia mit ihrem Man hab
zuschaffen gehabt / bis sie von ihm empfangen /
vnd hab solches aus liebe zu Kindern gethan /
darnach hat sie sich keusch gehalten. Medullina
eine Römische Jungfraw ist von irem leiblich
en Vater / der sich volgesoffen / im finstern mit
gewalt vmb ihre Jungfrewliche keuschheit ge
bracht / sie hat aber nicht gewust / das es der Va
ter wehre / derhalten hat sie ihm den Ring vom
finger gezogen / damit sie ein erkentnis des The
ters haben möchte / aus welchem da sie vernom
men / das es der Vater selbst gewesen were / hat sie
ihn beim Altar erstochen. Plutarchus in Para
Lusebius schreibet viel von der Erbarn vnd
Tugentreichen Römischen Matronen der So
phronia / welche / da sie der Fürst Decius mit ge
walt seines willens zu pflegen / gezwungen / vnd
ihr Man auch darein bewilliget / hat sie sich als
eine Christliche Lucretia selber erstochen. Die
se vnd dergleichen Historien / welcher ich noch
viel zuerzelen wüßte / zeigen alle an / das auch
vnter den Heyden redliche vnd Biderleute sein
gewesen / die den Ehestandt vnuerbrüchlich / vñ
die züchrigkeit trewer gehalten haben. Derhalt
ben saget auch der weise Philosophus Plato in 5.
περὶ τῶν νόμων: μηδ' ἓνα τοῦ ματρὸς μηδ' ἐνός ἀπέσθαι πλὴν γαμε
τῆς ἑαυτῆς γυναῖκος. Das ist / Es sol einer kein / denn
sein eigen Weib berühren / oder mit ihr zuschaffen
haben / welches eigentlich ἀπέσθαι heißet. Es redet
der

der fürtreffliche Man Metellus Numidicus weislich von ehlichem leben/ bey dem Gellio lib. 1. Noct. Atti. Cap. 6.

Zum Beschlus dieses andern stücks / wollen wir noch eines heiligen Mannes vrteil anhören / vber den heiligen Ehestandt. Paphnutius der reure bekennner Gottes / hat alle Bischoffe / vnd versamleten / welcher dreyhundert vnd achtzehen gewesen / auff dem Concilio zu Nicæa in Bithinien gestrafft des Ehestandes halben / vnd hat gesagt: das dis die rechte Keuschheit sey / wenn ein Ehlich Man sich zu seinem Ehlichen Weibe gesellet / Wie Solomenus schreibet im ersten Buch seiner Kirchen Historien / im drey vñ zwenzigsten Cap.

Dis sey nu das ander stück / von ehrlieben den Personen / des heiligen Ehestandes / des alten vnd newen Testaments / Darnach auch von Heyden / so diesen standt geliebet / Alle Hurerey vnd Unzucht vermitteln haben. Wollen ferner zum dritten Stücke greiffen / wie Gott die Hurer vñ Ehebrecher pflegt zu straffen / vnd wolte Gott viel Menschen nemen das zu Ohren / vnd Herzen / sie würden sich zum teil besser fürsehen / vnd nicht wie das tolle Viehe / welches doch ein masse bey sich hat / zur unzucht / vñ unreinigkeit reizen / treiben vnd bewegen lassen.

Das dritte Stücke.

Das dritte Stück sol auch billich von Exempeln der heiligen Göttlichen Schrift angefangen werden / in welchen wir sehen / wie Gott ein
C Feinde

Seindt sey aller unreinigkeit/vnkeuschheit/Vnzucht vnd aller Büberrey.

Da die vrsachen der Sündflut angezeiget worden / werden vnter andern Sünden auch vnzucht/vnd Hurerey erzelet/Gene. 6. Im 19. Cap. list man / wie fünff Stedte mit Feuer vnd Pech verbrant sind worden / von wegen grosser vnzucht/vnd anderer laster. Im 34. Cap. stehet wie die Bürger zu Sichem / Vnd jr Fürst der Hemor von wegen der geschwechten Dina / Jacobs Tochter / Jemmerlich erwürget werden. Im vierden Buch Mose im 25. Capitel. werden zwelff Könige vmb Hurerey willen vmbbracht. Im Buch der Richter im 20. Cap. list man / wie der ganze Stam Benjamin sey vmb vnzucht willen ausgerottet worden. Deuter. am 22. Cap. Wer ein Jungfraw schwecht / vnd sie dar ein bewilliget / so sollen sie beide sterben. David hat auch viel erleiden müssen / von wegen des mordts mit Uria / vnd des Ehebruchs mit der Bersabea / Uria Weibe begangen. 2. Samuel. 11. vnd 12. Der grosse Drator vnser H. Erri Ihesu Christi S. Paulus in der ~~ersten~~ Epistel an die Galater im fünfften Cap. sagt: Das die Hurer das Reich Gottes nicht ererben sollen. Die Epistel zu den Ebreern am 13. Capittel / Die Ehe sol ehrlich gehalten werden / bey allen / vnd das Ehebett vnbesleckt / Die Hurer aber vnd Ehebrecher wird Gott richten. Das sindt kurze wort / aber sie begreifen viel in sich / denn was kan ein Mensch höhers verlieren / denn das ewig leben? Was kan im beschwerlicheres aufflegen

gelegt werden / denn ein ewiges vnausmesslich
Hellisch Feuer / vnd das durch Gottes Gericht /
vnd rechtes vrteil :

Homerus beschreibet den Zehn jerrigen Tro-
ianischen Krieg / wie die Griechen Troia erberm-
lichen zerschleiff / von wegen der beygebracht-
ten vnehr vnd schmach der Helene / von Paride
des Königes Priami Sohne. Wie Thebæ in
Griechenlandt sey gestrafft worden von vnzucht
wegen / beschreibet Plutarchus in Theseo. Es ist
ein weiser Fürst / der viel Sprachen gekant / dar-
umb er vom Römischen Keiser in grossen ehren
gehalten ist worden / von einem armen Handt-
wercks Manne / der in bey seinem Weibe gefun-
den / erstochen worden. Wie es dem Anthonio /
dem sehr gewaltigen Fürsten ergangen mit der
Cleopatra / beschreibet mit vielen worten / vnd
vmbstendigkeiten oft angezogner Plutarchus
Cheroneus, im leben Anthonij / der doch ein Er-
bar / vnd ganz tugentreich Gemahl gehabt / die
Octauiam. Es meldet mehrgedachter Plutar-
chus / das des Hannibalis Kriegsvoldt / damit
er die Römer etlich mahl geschlagen / da es zu
Capua (welches wol die schönste Stadt nach
Rom in Welschlandt ist / darinnen der Braut
Jungfraw Katharinen vom Ende Dheim /
Herr Nickel von Schönberg ist Erzbischoff
vnd Cardinal gewesen) Leger gehalten / ganz
verwent / nachlessig / trege / faul / verdrossen / vñ
weibisch worden / durch vnzucht / vnd mancher-
ley wolust / so es darinnen getrieben / Er saget
aber also : Capuam autem locum statius deligit,

C ij vrbem

urbem amœnam, & omni genere deliciarum abundan-
dantem. Ibi miles aſuetus, ſub dio ſub vitam agere,
frigus famem, ſitim patienti animo tolerare, cum
variæ ſpecies voluptatum ſibi quotidie offerrentur,
breui ex ſtrenuo ignauus, ex forti timidus, ex ſo-
lerti iners, mollisq; euasit. Corrumpunt n. blandæ
voluptates omne animi robur, indolemq; virtutis,
ingenium labefactant, conſilium eripiunt, quo
quid pernicioſius humano generi afferri poteſt? Me-
rito igitur Plato eſcam malorum voluptatem appella-
lat. Es gibt die tegliche erfahrung / was für
ſtraffen / auff vnzucht / vnd Hurerey erfolgen.
Vnd wil hie noch drey ſchöne Hiſtorien erzelen /
vnd es dabey bleiben laſſen / aus welchen wir ſeh-
hen / wie ſolche ſchanden inn den allerhöchſten
leuten / die da meinen / es gezieme jnen nur wol /
zum hefftigſten geſtrafft werden. Es iſt gewe-
ſen ein König in Ungern mit Namen Andre-
as / der iſt zum heiligen Lande gezogen / vnd
dieweil das Königreich ſeinem Stadthalter /
einem Ungerischen Fürſten zuerwalten befoh-
len / der ein Ehrentugenthaſtig Weib gehabt /
welche ſtets umb die Königin geweſen / vnd hat
ſich zugetragen / das jr Bruder ein Marggraff
von Meyern zu ihr kommen / vnd die gute front-
me Matron vber Tiſch offte angeſehen / auch in
vnordentlicher lieb dermaſſen gegē jr entbrant /
das er Kranckheit vorgewendet / vnd ſeiner
Schweſtern der Königin den handel vermeld-
det / vnd hat die Königin Gertrudis / ſo viel zu
wege bracht / das der verhurte Bruder iſt zu des
Stadthalters Weibe (doch on jhren willen)
in ein

Sam. K. Vano

Morran

in ein gemach beschlossen worden / vnd sie genö-
tiget seines willens zupflegen. Das hat die ehr-
liebende Matron ihrem H^{er}ren mit erbermlich
en weinen vnd weheklagen eröffnet / Vnd ist ihr
Herr (wie ein brüllender Lew) zu solchem zorn
beweget worden / das er die Königin / als die
Koplerin / mit seinem Schwert erstochen / vnd
dem Könige nachgefolget / ihn auch vnterwe-
gen angetroffen / hat im den ergangenen han-
del erzelet / auch das Blutige Schwert gewisen /
do ihm denn der König befehl gethan / sich wie-
der heim zuverfügen / vnd seines Amptes aus-
zuwarten / mit bescheide / da er wieder zu Hause
kommen würde / wolt er / was recht / versöhung
thun lassen. Vnd als der König wieder an
heim kommen / vnd den handel gantzlich erfas-
sen / ist der Stadthalter gantzlich los vnd ledig
von ihm gezalt worden.

Es vermeldet Hiobus Sincelius im andern
teil von wunderzeichen / das Caiassij Landpfle-
ger vber Klein Armenien habe eine schöne Tocht-
er gehabt / Egen welcher der Bellerbey in vn-
ordentlicher liebe sey enzündet worden / Hat der
wegen ein Jagt bestellt / zwischen Larachmie
vnd Meridim / vñ dem Caiassij lassen ansagen /
er wolte dahin kommen / vnd nach gehaltenen
Jagt / mit Weib vnd Kindern sein Gast sein /
welches also geschehen. Ober dem essen hat der
Bellerbey die Tochter offtmal mit tieffen seuff-
zen angesehen / das der Vater sein vorhaben
wol hat spüren können. Es hat aber Caiassij
dreyhundert gewapneter bestalt / die auff ihr
C iij haben

haben sehen sollen / da sich der Bellerbey etwas
therlich vnterwinden würde. Nach dem esset
hat er ein Tanz mit ihr begert / der ist ihm ver-
gunt worden / Nach dem Tanz hat er die Tocht-
er mit zu Bette begert / das ist ihm mit demüti-
ger bitte abgeschlagen worden. Da er aber nicht
wollen nachlassen / vnd gedrawet / er wolte den
Caiassij edern vnd in kleine stück zerhauen las-
sen / da er ihm solchs abschläge / hat der Caiassij
im grim seinen Dolchen erwischt / vnd dem Bel-
lerbey in Leib gestochen / welcher als balde todt
blieben / vnd seind noch sechzig Personen / so auff
den Bellerbey gewartet / auch von des Caiassij
wache erstochen worden. Wie wil ich gleicher art /
ein denckwürdig Historien aus Herodoto / die in
Terpsichore steht / verdeutschten / die sich also helt:
Megabyzus hat ein Kriegsvolck inn Paonien
geführt / vnd die Paonier vberwunden. Dar-
nach hat er sehen treffliche Wenner der Persen /
so nach ihm im gantzen herzuge / die fürtrefflich-
sten waren / geschickt zum Herzoge Amynta in
Macedonien / zu bitten dem Könige Dario /
Landt vnd Wasser / welchs ihn von Amynta ist
wiederfaren / vnd darüber von ihm zu Gast ge-
laden / vnd ehrlich tractirt / vnd gehalten wor-
den. Wie nu die Persen wol gezecht / haben sie
den Herzog Amyntam angeredt / vnd gesagt:
Wirt Amynta / es ist bey vns Persen der ge-
brauch / wenn wir grosse Collationen / oder Abent-
mal halten / das man auch beyschlefferin / vnd
Jungfrauen ins gelag füret. Da hat Amynta
das geantwortet / wir Macedonier pflegen vn-
sere

sere Weiber vnd Jungfrawen von vns zuthun/
aber dieweil ihr / als vnserer H^{erren} solchs be-
gert / sol es euch wiederfaren / vnd seindt Weiber
bestalt / die von stund an kommen sein / die hat
Amyntas gegen vber an einen Tisch setzen las-
sen. Da nu die Persen gesehen / das sie schone we-
ren / haben sie gesagt / Amynta du hast vnweis-
lich gehandelt / das du / nach dem die Weiber sein
kommen / sie vns gegen vber / vnnnd nicht an die
seiten gesetzt hast / denn es besser gewesen / sie we-
ren nie kommen / denn das sie vns im Gesichte
mehr krencken. Vnd ist also Amyntas gedrun-
gen wordē / das er sie hat heissen hinsitzen / do sich
denn die Persen vngewerdig gehalten / ihnen an
die Brüste gegriffen / vnd sich auch weiter lieb-
licher handlung vnter stehen wollen. Das wie-
wol es dem Amynta vber die massen wehe ge-
than / das ers hat sehen sollen / hat er doch den
grossen namen vnd gewalt der Persen gefurcht /
vnd zu frieden sein müssen. Er hatte aber einen
Sohn ein junges Blut / mit namen Alexander /
der solchs nicht hat ersehen mögen / der hat den
Vater gebeten / sich zur ruhe zubegeben / er wol-
te den Persen als den Gessen / alles was sie bege-
ren würden / wiederfaren lassen. Amyntas ver-
nimpt das vornemen seines Sohnes wol / vnnnd
saget / Ich verneme wol / warumb du mich heis-
stest zu Bette gehen / du wirst etwas anfangen /
Bitt er sol bey leib nichts wieder sie fürnemen /
denn es ihnen zu grossen schaden gereichen wür-
de / sol derhalben dis mal gedult tragen / vnnnd
begiebet sich also zu Bette. Als balde spricht
Alexander

Alexander: lieben Persen / jr seid wol bezecht /
vnd es ist zeit zu Bette / ihr müget die Weiber
wol / welche einem jeden wol gefelt / mit zu Bette
nemen / doch last sie sich zuuor waschen / so sollen
sie als balde wider zu euch herein kommen / vnd
sich mit euch zu bette begeben. Wie solchs die Per
sen zugelassen / füret er sie hienaus in ein sonder
lich Gemach / vnd richtet so viel junger Wenner
welche noch keine Bette hatten / in Weibischen
Kleidern zu / gibt einem jeglichen ein verborge
nen Tölchen / vnd füret sie wieder hienein / vnd
spricht / Jr Persen / jr seid nu ehrlich gettractirt
worden / vnd wenn jr anheim kompt zu ewrem
H^{er}ren / so saget / das ihr von einem Griechen /
einem Fürsten aus Macedonien wol vber Tisch /
vnd im Bette seid gehalten worden / Vnd hat
die Macedonier einen jeglichen zu einem Persen
sitzen heissen / welche da sie von den Persen begrif
fen / vnd betastet sein worden / haben sie die Töl
che erwischt / gezückt / vnd die Persen alle erstoch
en / hernach auch alle ihre geferten. Aristoteles
erzelt solcher grewlicher Exempel einen grossen
hauffen / in quinto *πολιτικω*. Vnd so viel vom
dritten Stücke.

Das vierde Stücke.

Es sollen fromme Christliche Eheleute fein
geberdig sein / es sol eines dem andern was Kön
nen zu gut halten / vnd sonderlich / sol der Man
betrachtē / dieweil das Weib ein schwacher werck
zeug ist / Vnd wie Philo sagt / das die Physici /
das Weib imperfectum marem, das ist: einen
vnuolkommenen Man heissen / sol er geneiger
sein /

sein / jr etwas nachzulassen / vnd nachzugeben /
sonderlich in geringen fellē / wo man alles nach
der schnur haben wil / do wird die ehe selten beste
hen. Es redet offtmal ein armes weib ein wört
lein einfeltiger weise / welchs da es ihr der Man
wolt auff die Goltwage legen / würden sie nim
mermehr den lieben Hausfrieden erhalten. Es
hat der weise König Alphonsus aus Arrago
nien gesagt / das erhalte gut Ehe / so der Man
taub / vnd das Weib blind were / das ist / So der
Man vberhören / vnd die Frau vbersehen könnte.
Der heilige Petrus stellet den Weibern für / zu
einem Exempel dem sie nach folgen sollen / die
liebe Saram. Welche ihren lieben Hauswirt / den
heiligen Abraham einen H^{er}rn hab geheissen /
welchs doch der grosse Keyser Augustus nit hat
haben wollen / oder leiden mögen. Sie sollen ihrer
Ehemenner sitten vnd weise wol lernen / vnd w^z
sie wissen / das sie verdreust / zum höchsten ver
meiden / damit sie nicht zu zank / has / vnd wie
derwillen vrsach geben. Eins sol des andern ge
brechlichkeit (da sie nur zudulden) geduldiglich
tragen / dieselbigen nicht ausruffen / vnd an al
len orten auspladern / sondern so sie dauon hört
reden / dem Manne fein vberhelffen (welches er
den auch thun sol) mit welchem sie gewislich der
Wenner hertz bewegen / inen alles guts zu erzei
gen. Duellio dem Römer ist auff ein zeit fürge
worffen wordē / der böse gestand seines odems /
vnd ist heimgangen / vnd sein Weib Biliain ge
scholten / das sie jm das nicht verlangt hette an
gezeigt / damit er bey zeiten ihm hette können
lassen

D

lassen

lassen ratschaffen/da hat sie freundlich geant-
wortet/Lieber Herr ich hab vermeint/der odem
rüche allen Wonnern also. Das ist ein höffliche
antwort/damit sie anzeigt/wie sie jres lieben ge-
mahlen gebrechen/lange zeit/ohn vberdrüssig-
keit geliden vnd geduldet. Es sol eins nicht mehr
verzeren/denn es kan erwerben. Die Weiber sol-
len nicht alles vernaschen/vnd verpfnauschen/
wie man ihr viel findet/so des Mannes sawren
blutigen schweis/vnn ützter weise verschwenden/
an hoffart legen/vnd sonst durchbringen. Dar-
umb Phocionis Weib billich gelobet wird/da sie
eine Ionische Frau jren schönen schmuck weiset/
hat sie gesagt/ἐμὸν δὲ κόσμος ἐστὶ φωνίων, das ist / mein
schmuck ist mein Man der Phocion/welcher nu
in die zwenzig Jar der Athenienser Hauptman
gewesen ist. Es sol auch der Man das seine nicht
verschwelgen/verspielen/vnd vmbbringen/son-
dern seinem armen Weibe/vñ Kindern zu rath
halten. Vnd in summa/das erhelte guten Haus
frieden/vñ ein gute ehe/wo der Man das Weib
liebet/vnd das Weib den Man wieder liebet/vñ
gehorsam ist. Portia des Catonis Tochter / da
sie gehört/wie jr Herr der Brutus bey Philipo-
pis war vmbkommen / hette sie sich aus lieb jres
Gemahls erwürget/wo sie hette ein Messer ge-
habt/sie hat aber glüende Kolen verschlungen/
vnd ihr also das leben genomen. Valerius Maxi-
mus lib. 4. Cap. 6. An angezognem ort zeigt Va-
lerius an/wie die Königin Artemisia aus Car-
rien/jren Herrn den Mausolum also geliebet/
das sie sein lebendig Begrebnus zu sein / vñ
werden

werden hefftiglich begert habe/ derhalben sie jr
nach seinem tode zu puluer hat verbrennen las-
sen/ vnd so oft sie hat trincken wollen/ hat jr die
Magd desselbigen puluers in jren Becher/ vnter
ihren Wein thun müssen/ vnd hat es also hinein
getruncken. Cneus Plautius hat dermassen sein
Weib geliebet/ da er von jrem tode gehort/ hat
er sein hertz mit ein Schwerdt durchstechen wol-
len/ wie aber sein Hausgesündlein zu massen kö-
men/ haben sie es zum teil verhindert/ vnd in sei-
ne Wunden verbunden/ hat aber bald hernach
die wunden auffgerissen/ vnd die bande danon
geworffen/ vnd also verscheiden. Das Weib sol-
len diese wichtige vrsachen zum gehorsam bewe-
gen/ Erstlich/ das es Gottes wille/ vnd ernste
meinung sey. Zum andern/ dieweil der Man ehe
geschaffen. Zum dritten/ dieweil das weib vom
Manne/ vnd nicht der Man vom Weibe ist ge-
schaffen worden. Zum vierden/ dieweil das weib
vmbes Mannes/ vnd nicht der Man vmbes Wei-
bes willen von Gott erschaffen. Zum fünfften/
dieweil das Weib anfenglich den fall/ vnd die
verführung eingefürt/ 1. Timoth. 2. Diese vnd
dergleichen vrsachen/ welcher wol mehr könten
erzelet werden/ sollen fromme Eheweiber bewe-
gen/ jren Hauswirten zugehorsamen/ vnd das
Schwerdt aus dem Maul zulegen/ oder darin-
nen zubehalten. Der Man sol auch wissen/ das
das Weib aus der Reiben ist geschaffen/ nicht
aus dem Haupt/ denn es sol nicht Regent sein/
vnd sol ein ehrlich Biderman/ sein von Gott ge-
gegeben ansehen/ vnd autoritet/ nicht gering
halten/

D ij halten/

halten/vñ ein Gynecocratumenos oder Sieman
werden/vnd sol hie nit platz haben/das Apoph-
thegma Themistoclis also lautende: omnes homi-
nes mulieribus, imperant, nos omnibus hominibus
nobis mulieres, das ist / Alle Menschen gebieten
den Weibern/wir (Athenienser) allen Mensch-
en/vns aber die Weiber. Sie ist aber auch nicht
aus den Fussolen von Gott gemacht / das sie nur
der Man mit Füssen treten sol/wie man etliche
grobe Tölpel findet/die da vermeinen/sie haben
eine Ritterliche that (gleich wie Scipio / da er
Hannibalem schlug) gethan / so sie das arme
Weib dreymal abpolchen/oder abnossen/wie sie
es heissen/ehe sie ihnen ein mahl zu essen ins haus
schicken. Es ist gewis ein wares Sprichwort:
Wer sein Weib (vmb geringer verbrechung wil-
len) schlegt / der schlegt seinen besten Freundt.
Man findt aber auch solche böse Platzschken/die
da alles iren fromen Mennern zuuerdris thun/
vnd öffentlich sagen/ Schlegt mein Man einen
Teuffel aus mir / er sol gewislich ihr neune wie-
der hienein schlagen. Das sind leichtfertige
wort / die ich doch offtmal von bösen Weibern
gehört / die einen frommen vnd sanfftmutigen
man zu grossen widerwillen bewegen. Bekom-
men aber die Weiber vber solchen worten gute
Kopffnüsse/Tellerbirn/vnd fünff Finger Kreuz-
richt/mögen sie es auch habē. Demo. ist gefrage
worden/warumb er hett ein klein weib genomē/
dieweil er gros/vñ lang wer/da hat er antwort
geben/ Ego in malo eligendo, quod minimum erat
elegi, das ist/ Ich habe mir/da ich mir ja sollen
ein

ein vnglück eruelen / ein kleines erwelet / das ist
eigentlich von einem bösen Weibe zu verstehen.
Es schreibt Anthonius ein Griechischer Mönch
im andern teil des wercks / welches er Melissam
heisset / im 34 Sermon / das Protagoras sey ge-
fraget worden / warumb er seine Tochter / sei-
nem Feinde zur Ehe gegeben hette / Antwortet
er: Quia nihil poteram ei dare deterius, das ist /
Ich konte im nichts ergers geben. Sie wird son-
dern zweiffel nicht der frömsten Kinder eines
gewest sein. Hieher gehöret das schöne Dictum
Nazianzeni, da er spricht / Vir nullam rem ac-
quirere potest, vxore proba honestiorem, quemad-
modum nullam deteriozem improba, das heist al-
so / Ein Man kan kein besser ding bekommen /
denn ein from Weib / auch kein ergers / denn ein
böses. Es ist sehr vntrew! ch zehandelt / das die
Keyserin Ariadne / iren Herrn den Keyser Ce-
nonem / da er ist voll gewesen / vnd sich nicht ver-
sunnen / hat lassen ins Keyserlich Begrebnus
tragen / vnd das mit einem grossen stein versie-
geln / vnd inen darinnen lassen verderben / vnd
sterben.

Solches sage ich nicht die Trunckenheit zu
entschuldigen / darfür sich jederman / als für ei-
ner grewlichen gift hüten sol / Sondern das
Weib wil ich ihrer Ehelichen pflicht erinnert
haben.

Ich weis auch nicht zu loben die Theben des
grossen Tyrannen Alexandri Pharei Weib / die
iren Man durch ire Brüder hat erstechen lassen.
Dann ob es der Teuffelisch Tyran / der da war

D iij ein

ein Menschen Zeger / vnnnd Knaben schender /
sehr wol verdienet / Ja wol grösserer straffe we-
re würdig gewesen / so solt ihm doch sein Weib
trewe vnnnd Ehlichen glauben gehalten haben.
Plutarchus in Pelopida.

Es ist auch in grundt vnrecht / das Inta-
phernis Gemahl / vom Könige Dario / ihren
Brudern (da sie die wahl hatte) vnnnd nicht
viel lieber ihren Man / oder Kinder los gebe-
tē / mit fürwendung / das sie einen andern man /
auch andere Kinder / aber keinen andern Brus-
der / weil ihr Vater / vnd Mutter gestorben / be-
kommen könte. Herodotus ^{ev Δαλίας}. Solches ob
es gleich dem König Dario hat wol gefallen / ist
es doch keines lobes würdig.

Viel auffrichtiger haben gethan / die Ed-
len / vñ hochtugent samen Matronen im Schlos
Weinsperg / welches Keyser Conrad belegert
hat / vnd ist darinnen gewesen / Guelfus ein Hero-
zog aus Beyern / vnd viel anderer H^{er}ren Wei-
ber / vñ töchter / vñ da es nun im Schlos wolt an
Prouiant mangeln / haben die Weiber den Rat
schlag erfunden / sie wolten den Keyser bitten /
das er ihnen vergönnen wolt / weg zuziehen / mit
dieser nachlassung / das ein jegliche so viel sie tra-
gen könte / möchte mit ihr nemen / das hat der gu-
te fromme Keyser gethan. Die ehrlichen Ma-
tronen haben balde ihre Wenner / vnd die für-
nemen Herren genommen / vnd sie dauon getra-
gen / vnnnd ist hernach zwischen ihnen friede ge-
macht worden. Manlius in Collectaneis. Sol-
che trewe hat auch beweiset ihrem H^{er}ren Chris-
stierno /

stierno / die Königin inn Dennemarck / welche
auch on iren Herrn das angetragne Königreich
nicht hat haben wollen.

Es solt auch wol zum beschlus etwz gesagt wer-
den / von den Feinden des heiligen Ehestandes /
vnd sonderlich von den Mönchen / die den heiligi-
gen Ehestandt also beschreiben / das er sey status
secularis cum deuota religione pugnans. das ist /
Es sey ein weltlicher standt / der zu wieder sey
der waren vñ andechtigen Religion / oder Gottes
furcht / welchs ist ein grosse jemerliche Gottes le-
sterung / dem heiligen Göttlichen Wort offent-
lich zu wieder. Es seind erwan auch die frommē
Altueter in solchen gedanken gewesen / als solte
der Ehestandt vor Gott nicht so gut sein / welchs
doch nicht ist / als der Jungfrawen / vnd Wid-
wen stand. Darumb sie auch die Hundertfeltige
frucht (der im Euangelio / Matth. 13. Capitel
meldung geschicht) der Jungfrawenschafft / die
sechzigfeltige der Widwenschafft / die dreyssig-
feltige dem Ehestande zugeeignet haben / als
der am wenigsten bey Gott im ansehen sey. Be-
siehe den heiligen Augustinum libro vnico von
der heiligen Dreyfaltigkeit. Den heiligen Hier-
onymum wider Iovinianum. Vnd Heluidium
auch an Demetriadem. Desgleichen im 7. Ca-
pitel / der ersten an die Corinther. Ambrosium
von Widwen. Ich weis auch nicht was Orige-
nes sagt / vber das vierde Buch Mose / inn der
drey vnd zwenzigsten Homilia / da er sagt: Non
posse à coniugatis offerri sacrificium in delinens.


Der

κρησιον

Der Griechische Poet Charemon ist ein loser
Tropff gewesen / der da sagt / wie es von Stobæo
angezogen wird / *κρησιον δαπνην τω γυναικα ή γαρ ην.*
das ist / Es sey besser ein Weib begraben / denn
freyen / oder nemen. Theophilus der alte Bisch
off zu Antiochien beklaget sich hefftiglich vber
die Wenliche liebe / oder *Masculam venerem*, wie
ers nent (welchs S. Paulus 1. Corint. 6. vnd 1.
Thim. 1. *αγορευουκοιτας* heisset) die von den Philos
phis der Heyden sey eingefürt worden / Solte er
jetziger zeit leben / er würde sich mehr beklagen /
vber solcher abschewlicher vnzucht / die jetzt von
den heiligen Vetern (ich solt sagen Verratern)
den Cardinelen vnd Templarien der Römisch
en Kirchen (vnter welchen auch Della Casa, der
fromme Cardinal / *Si Dijs placet*, einer ist) ver
teidiget wird. Theophilus lib. 3. ad Autolyicum,
Christianæ religionis Calumniatorem. Aber ich
wil solches hie vnterlassen / vndd verseehe mich
genzlich / es sollen alle widersacher dieses stans
des in dieser Predigt mit der Warheit reichlich
genungsam wiederlegt / vndd verursacht sein /
solchen Standt hoch zu halten / Welches
ihnen der Gütige vnd Barmherzige
Gott / durch seinen heiligen Geist
gnediglich zuerkennen
geben wolde /
Amen.

Gedruckt zu Leipzig / Durch Jac
cobum Berwaldt.

No 1504



B.I.G.

Farbkarte #13

Blue	Black
Cyan	3/Color
Green	White
Yellow	Magenta
Red	Red
White	White
Black	Black

(X 2010M)

Zeit Pre=
 Königsfeld / auff
 len vnd Ehrenhesten/
 nheim / auff Newtau
 Edlen vnd Ehren
 ngfraw Katha
 m Ende.



um Jacobum
 ochlit / daselbst
 herrn.

S. Pauli zu den
 13. Capitel.

halten werden / bey als
 onbefleckt. Die Hurer
 wird Gott richten.

D. LXV.

L 1266 (24)

